



REPUBLIKA E SHQIPËRISË
STRUKTURA E POSAÇME KUNDER KORRUPSIONIT DHE KRIMIT TE
ORGANIZUAR
DREJTORIA E BUXHETIT DHE MENAXHIMIT FINANCIAR



**RAPORTI I MONITORIMIT TË ZBATIMIT TË BUXHETIT
2021**

Shkurt 2022

Tabela e Përmbajtjes

<i>HYRJE</i>	3
<i>1. Qëllimi dhe objektivat e programit</i>	4
<i>2. Analiza e shpenzimeve faktike të programit</i>	6
<i>3. Analiza sipas llogarive ekonomike 2021</i>	9
<i>3.1 Shpenzimet e personelit</i>	9
<i>3.2 Shpenzime për mallra dhe shërbime të tjera</i>	10
<i>3.3 Transferta për buxhete familjare</i>	11
<i>3.4 Shpenzime për Investime Kapitale</i>	11
<i>3.5 Shpenzime nga të ardhurat jashtë limitit</i>	12
<i>3.6 Dretyrimet e prapambetura</i>	12

HYRJE

Monitorimi i zbatimit të buxhetit të 12-mujorit të vitit 2021 për Strukturën e Posaçme Kundër Korrupsionit dhe Krimin të Organizuar përfaqëson procesin e vlerësimit të performancës së fondeve buxhetore në realizimin e objektivave vjetorë, nëpërmjet krahasimit të treguesve faktikë të performancës me ato të planifikuara. Prokuroria e Posaçme dhe Byroja Kombëtare e Hetimit nën programin “Veprimtaria e SPAK” kanë kryer monitorimin e treguesve buxhetorë me qëllim ndjekjen në vijimësi të objektivave të synuar në përputhje me planin strategjik të ecurisë së institucionit dhe të gjitha kërkesave ligjore.

Nëpërmjet këtij raporti monitorimi, evidentohet niveli i realizimit të fondeve buxhetore të SPAK-ut në krahasim me planin fillestar dhe planin me ndryshime, të detajuar në nivelin e treguesve të performance. Analiza e raportit të monitorimit të zbatimit të buxhetit vjetor 2021 i mundëson institucionit orientimin dhe sigurimin e një informacioni shtesë për të përmirësuar procesin e planifikimit dhe të menaxhimit të buxhetit. Përmes realizimit të shpenzimeve buxhetore synohet arritja e objektivave strategjike të institucionit në përputhje me kompetencat që përcaktojnë aktet ligjore dhe nënligjore në fuqi për veprimtarinë kushtetuese të Strukturës së Posaçme Kundër Korrupsionit dhe Krimin të Organizuar.

Me qëllim për të kontribuar në proceset bazë të misionit dhe objektivave të institucionit buxheti i Strukturës së Posaçme Kundër Korrupsionit dhe Krimin të Organizuar, ka ndjekur plotësisht kërkesat e udhëzimeve standarde të hartimit të programit buxhetor afatmesëm dhe buxhetit vjetor mbi bazë të treguesve të performancës, por gjithashtu dhe monitorimin e zbatimit të buxhetit mbështetur mbi ato tregues të planifikuara.

Ky raport zyrtar do të shërbejë si një pasqyrë e rëndësishme përmes së cilës SPAK do të synojnë lidhjen e kostove buxhetore me produktet e performancës, si forma më e mirë e buxhetimit dhe vlerësimit financiar të ecurisë së institucionit.

1. Qëllimi dhe objektivat e programit

Buxheti i akorduar për programin “Veprimtaria e Strukturës së Posaçme Kundër Korrupsionit dhe Krimin të Organizuar”, ka në bazë të tij Deklaratën e Politikës së Programit të hartuar gjatë procesit të PBA 2021-2022 dhe është në funksion të realizimit të Politikës së Programit mbështetur mbi treguesit e performancës së institucionit.

Struktura e Posaçme kundër Korrupsionit dhe Krimin të Organizuar ku përfshihet Prokuroria e Posaçme dhe Byroja Kombëtare e Hetimit, mbështetur në Ligjin Nr. 95/2016, “Për organizimin dhe funksionimin e institucioneve për të luftuar korrupsionin dhe krimin e organizuar” është një strukturë e specializuar për të ushtruar kompetencat e parashikuara në pikën 1, të nenit 148/dh, të Kushtetutës, për të hetuar korrupsionin dhe krimin e organizuar, si dhe veprat e tjera penale të kryera vetëm nga subjektet e parashikuara në pikën 2, të nenit 135 të Kushtetutës dhe veprat penale sipas përcaktimeve të nenit 75/a të Kodit të Procedurave Penale. Mbështetur mbi prioritetet strategjike të institucionit dhe misionit e vizionit është synuar përmbushja e detyrave kryesore gjatë vitit buxhetor 2021 në luftën kundër korrupsionit dhe krimin të organizuar.

Politika e këtij programi konsiston në hetimin e thelluar të rasteve që lidhen me korrupsionin dhe krimin e organizuar në Republikën e Shqipërisë, duke u përqendruar në çështjet me ndjeshmëri publike dhe arritjen e rezultateve në zbatimin e ligjit që do të përmirësojnë cilësinë e jetës së qytetarëve. Gjithashtu, në objektivat e institucionit qëndron përmirësimi i treguesve të respektimit të ligjit dhe shtetit të së drejtës, përmes përmbushjes së standardeve evropiane të respektimit të ligjit. Një aspekt i rëndësishëm për konsolidimin e plotë është rritja e kapaciteteve të SPAK në vendosjen para ligjit të shkelësve përmes Prokurorëve të Prokurorisë së Posaçme dhe Hetuesve të Byrosë Kombëtare të Hetimit, por edhe forcimi institucional nëpërmjet rekrutimit cilësor të burimeve njerëzore e mirëmenaxhimit të burimeve financiare.

Hartimi i politikave afatgjata në funksion të arritjes së objektivave strategjike për Strukturën e Posaçme Kundër Korrupsionit dhe Krimin të Organizuar, mbështeten mbi disa nga qëllimet bazë të mëposhtme:

1. Ndjekja dhe zgjidhja e të gjitha rasteve hetimore lidhur me korrupsionin dhe krimin e organizuar në Republikën e Shqipërisë.
2. Rritja e efektivitetit në procesin e hetimit dhe zgjidhjes së rasteve mbi pastrimin e produkteve të lidhura me krimin e organizuar dhe korrupsionin.
3. Forcimi i respektimit të ligjit në drejtim të sekuestrimit dhe konfiskimit të aseteve që rrjedhin nga aktivitetet kriminale.
4. Krijimi i një strukture profesionale hetimore si Byroja Kombëtare e Hetimit që do të japë rezultate nëpërmjet rritjes së efikasitetit të punës në çështjet hetimore për respektimin e ligjit në funksion të Strukturës së Posaçme Kundër Korrupsionit dhe Krimin të Organizuar.

5. Forcimi i kapaciteteve administrative, të afta për tu përgjigjur nevojave gjithmonë e në rritje për përmbushjen e misionit dhe vizionit të institucionit.

Menaxhimi Financiar i Strukturës së Posaçme Kundër Korrupsionit dhe Krimit të Organizuar është fokusuar në financimin e shpenzimeve për përmbushjen e objektivave prioritare strategjike të mëposhtme:

- *Përmirësimin e cilësisë së aktiviteteve të institucionit, duke rritur numrin e çështjeve hetimorë në proporcion me problematikat e shkëljes së ligjit për rastet e Korrupsionit dhe Krimit të Organizuar, si dhe duke rritur kapacitetin profesional të punonjësve nëpërmjet trajnimeve.*
- *Krijimi i të gjitha kapaciteteve të nevojshme për Prokurorët, Hetuesit e BKH dhe personelin administrativ, në funksion të arritjes së rezultateve pozitive në luftën kundër krimit të organizuar dhe korrupsionit.*
- *Ofrimi i sigurisë maksimale fizike dhe financiare për personelin hetimor dhe administrativ të Strukturës së Posaçme kundër Korrupsionit dhe Krimit të Organizuar, si një garanci afatgjatë e integritetit Kushtetues të Institucionit.*
- *Zgjerimin e kapaciteteve analizuese dhe përpunuese të informacionit, në funksion të rritjes së eficientësisë dhe efektivitetit të ndjekjes së rasteve të problematikave objekt i ligjit dhe aktivitetit të SPAK.*
- *Paraqitjen e një produkti hetimor cilësor, që përkthehet në raste të suksesshme të përfunduara dhe të dërguara për gjykim pranë GJKOK.*
- *Përmirësimin e infrastrukturës së nevojshme për kryerjen e proceseve të punës në shërbim të një trajtimi sa më efektiv të rasteve hetimore.*
- *Pajisjen e punonjësve me bazën e nevojshme materiale si dhe të krijimin e kushteve të përshtatshme të punës për punonjësit.*
- *Mirëmenaxhimin e institucionit, duke aplikuar metodologjitë më të përparuara si më menaxhimin financiar ashtu edhe në trajtimin e burimeve njerëzore.*

Mbulimi e prioriteteve strategjike të institucionit me fondet e mjaftueshme buxhetore, është një synim i cili do të sigurojë institucionit pavarësinë, qëndrueshmërinë dhe integritetin e nevojshëm për arritjen e rezultateve që përmirësojnë jetën e qytetarëve.

2. Analiza e shpenzimeve faktike të programit 12 mujori 2021

Buxheti i Strukturës së Posaçme Kundër Korrupsionit dhe Krimet të Organizuar për vitin 2021 është miratuar me ligjin nr. 137/2020 “Për buxhetin e vitit 2021” i ndryshuar, ku në total rezulton Buxheti Fillestar të jetë i planifikuar në një vlerë prej 500 milion lekë. Këto burime financiare, SPAK si një institucion kushtetues, i ka përdorur në funksion të përbushjes së plotë të detyrimeve të miratuara me ligj.

Fondet buxhetore të miratuara përmes ligjit vjetor të buxhetit, SPAK i ka administruar për financimin e aktiviteteve në një program të përcaktuar me emertimin “Veprimtaria e SPAK”. Teguesit bazë të realizimit buxhetor për këtë program paraqiten si më poshtë:

Tabela 1: Raporti i shpenzimeve të programit sipas llogarive ekonomike


Në mijë lekë

Llog. Ekonomike	Emertimi	(1) Buxheti Vjetor Plan Fillestar Viti 2021	(2) Buxheti Vjetor Plan i Rishikuar Viti 2021	(3) Buxheti 2021	(4) Fakti 12-mujor	(5)=(4)/(3) % e realizimit Plan Fakt
600	Paga	342,423.0	279,783.0	279,783.0	237,038.0	84.7%
601	Sigurime Shoqërore	38,260.0	27,646.0	27,645.0	22,215.0	80.3%
602	Mallra dhe Shërbime të Tjera	89,317.0	61,689.0	61,689.0	40,056.0	65%
603	Subvencione					0.0
604	Transferta Korente të Brendshme					0.0
605	Transferta Korente të Huaja					0.0
606	Trans per Buxh. Fam. & Individ			329.0	219.0	66.5%
Nen-Totali	Shpenzime Korrente	470,000.0	369,118.0	369,446.0	299,528.0	81%
230	Kapitale të Patrupëzuara					0.0
231	Kapitale të Trupëzuara	30,000.0	30,000.0	30,000.0	26,230.0	87.4%
232	Transferta Kapitale					0.0
Nen -Totali	Shpenzime Kapitale me financim te brendshem	30,000.0	30,000.0	30,000.0	26,230.0	87.4%
230	Kapitale të Patrupëzuara					0.0
231	Kapitale të Trupëzuara					0.0
232	Transferta Kapitale					0.0
Nen -Totali	Shpenzime Kapitale me financim te huaj	0.0	0.0	0.0	0.0	0.0
Totali	Shpenzime Kapitale	30,000.0	30,000.0	30,000.0	26,230.0	87.4%
Shpenzime nga Të ardhurat jashte limiti				0.0		0.0
Totali (korrente + kapitale + Shp nga te ardh.jashte limiti)		500,000.0	399,118.0	399,446.0	325,758.0	81.5%

Burimi: Drejtoria e Buxhetit dhe Menaxhimit Financiar, SPAK (2021);

Pesha specifike sipas llogarive ekonomike të shpenzimeve të planifikuara mbi totalin e shpenzimeve, paraqitet sipas grafikut të mëposhtëm:

Grafiku 1: Pesha sipas llogarive ekonomike e planit të buxhetit 2021



Burimi: Drejtoria e Buxhetit dhe Menaxhimit Financiar, SPAK (2021);


Duke marrë në analizë peshën e shpenzimeve sipas llogarive ekonomike mbi totalin e buxhetit të SPAK, ashtu siç mund të konstatohet në grafikun më lart pjesën më të madhe të planit të shpenzimeve buxhetore e zënë llogaria “Paga” në rreth 70%, pas tij llogaria me peshën më të madhe është ajo e “ Mallara dhe shërbime të tjera” me rreth 15%, ndërkohë që “Sigurime” zënë rreth 7% dhe “Shpenzimet kapitale” zënë një peshë në vetëm nga 8%.

Duke u mbështetur mbi veprimtarinë bazë të instiucionit, kjo shpërndarje e planit të shpenzimeve buxhetore lidhet drejtpërdrejt me natyrën e punës dhe kërkesat e SPAK për të përmbushur detyrimet ligjore.

Krahasuar me një vit më parë, tregeusit e realizimit të buxhetit të SPAK kanë një përmirësim të dukshëm si në terma real ashtu edhe në raport me totalin e shpenzimeve. Gjatë vitit 2021 buxheti I SPAK është realizuar rreth 81.5% ose ndryshe 325 milion lekë, ndërkohë krahasuar më të njëjtën periudhë të një viti më parë ku realizimi ishte 167 milion lekë ose 51.1% e planit vjetor kemi një rritje sinjifikative të performancës buxhetore. Rritja e performancës vjen për shkak të përmirësimit të treguesve të hetimeve proceduriale dhe gjithashtu të kapaciteteve të burimeve njerëzore të cilat janë drejt konsolidimit të plotë.

Nga ana tjetër, pesha specifike sipas zërave të shpenzimeve faktike të buxhetit 2021 mbi totalin e realizimit, paraqitet sipas grafikut të mëposhtëm:

Grafiku 2: Pesa sipas llogarive ekonomike e realizimit faktik të buxhetit 2021



Burimi: Drejtoria e Buxhetit dhe Menaxhimit Financiar, SPAK (2021);

Nëse do të marrim në analizë peshën e llogarive ekonomike ndërmjet atyre të planifikuara dhe të realizuara sipas grafikëve 1 dhe 2 të mësipërm, evidentohet një ruajtje e peshës së këtyre shpenzimeve si në buxhetin e planifikuar ashtu edhe në atë të realizuar për vitin 2021. Qëndrueshmëria financiare e institucionit dhe ndjekja me rigorozitet e procedurave të menaxhimit financiar publik, kanë udhëhequr veprimtarinë administrative të institucionit.

Viti 2021, ishte viti ku u punua intensivisht në konsolidimin e SPAK si institucion buxhetor dhe sigurisht është përballuar me sfida të mëdha në drejtim të ngritjes së strukturave të cilat do të hedhin themelet e institucionit të ri dhe do të sigurojnë një zhvillim të qëndrueshëm në vite. Gjatë viteve në vazhdim, do të synohet konsolidimi financiar dhe administrativ i institucionit me qëllim arritjen plotësisht të realizimit buxhetor dhe treguesve të performancës të përcaktuar në programin buxhetor afatmesëm 2022-2024.

Nga ana tjetër, faktorë të rëndësishëm në mosrealizimin e treguesve buxhetor të institucionit lidhen me efektet që vinë si pasojë e mosplotësimin me stafin e parashikuar Hetimor të Byrosë Kombëtare të Hetimit të cilët janë në proces përzgjedhje. Si pasojë e kërkesave shumë të detajuara ligjore të cilat kërkojnë rekrutimin e punonjësve vetëm pas përfundimit të kontrollit të figurës, ka sjellë zgjatjen në kohë të rekrutimit dhe mosrealizim krahasuar me planin fillestar në buxhetin e Strukturës së Posaçme Kundër Korrupsionit dhe Krimit të Organizuar.

Për sa më sipër, gjatë vitit 2021 Prokuroria e Posaçme u plotësua me vetëm 17 prokurorë nga 20 të parashikuar, por gjithashtu nuk u përfundua procesi i rekrutimit të gjysmës së dytë të Hetuesve pranë Byrosë Kombëtare të Hetimit. Vonesa gjithashtu si pasojë e procedurave ligjore ka patur edhe në rekrutimit të punonjësve administrativ sipas strukturës së miratuar.

3. Analiza sipas llogarive ekonomike 2021

Realizimi i shpenzimeve sipas zërave për 12-mujorin e vitit 2021, krahasuar me planin vjetor në programin buxhetor “Veprimtaria e SPAK”, paraqitet në pasqyrën e mëposhtme:

Tabela 2: Diferenca Plan/Fakt shpenzimeve të programit sipas llogarive ekonomike

Ne mijë lekë

Llog. Ekonomike	Emertimi	(1) Buxheti 2021	(2) Fakti 12-mujor	(3)=(2)-(1) Diferenca	(4) = (2) / (1) % e realizimit Fakt / Plan
600	Paga	279,783.0	237,038.0	-42,745.0	84.7%
601	Sigurime Shoqërore	27,645.0	22,215.0	-5,430.0	80.3%
602	Mallra dhe Shërbime të Tjera	61,689.0	40,056.0	-21,633.0	65%
603	Subvencione			0.0	0.0
604	Transferta Korente të Brendshme			0.0	0.0
605	Transferta Korente të Huaja			0.0	0.0
606	Trans per Buxh. Fam. & Individ	329.0	219.0	-110.0	66.5%
Nen -Totali	Shpenzime Korrente	369,446.0	299,528.0	-69,918.0	81%
230	Kapitale të Patrupëzuara			0.0	0.0
231	Kapitale të Trupëzuara	30,000.0	26,230.0	-3,770.0	87.4%
232	Transferta Kapitale			0.0	0.0
Nen -Totali	Shpenzime Kapitale me financim te brendshem	30,000.0	26,230.0	-3,770.0	87.4%
230	Kapitale të Patrupëzuara			0.0	0.0
231	Kapitale të Trupëzuara			0.0	0.0
232	Transferta Kapitale			0.0	0.0
Nen -Totali	Shpenzime Kapitale me financim te huaj	0.0	0.0	0.0	0.0
Totali	Shpenzime Kapitale	30,000.0	26,230.0	-3,770.0	87.4%
Shpenzime nga Të ardhurat jashte limiti		0.0		0.0	
Totali (korrente + kapitale + Shp nga te ardh.jashte limiti)		399,446.0	325,758.0	-73,688.0	81.5%

Burimi: Drejtoria e Buxhetit dhe Menaxhimit Financiar, SPAK (2021);

3.1 Shpenzimet e personelit

Plani i fondeve të akorduara përmes ligjit vjetor të buxhetit 2021, në zërin e shpenzimeve për paga dhe sigurime shoqërore janë në vlerën e rreth 342,423 mijë lekë ose e thënë ndryshe rreth 68.4% e totalit të buxhetit të Strukturës së Posaçme Kundër Korrupsionit dhe Krimit të Organizuar. Ndërkohë gjatë vitit 2021 përmes Aktit Normativ Nr. 26 datë 22.06.2021 “Për disa ndryshime ne Ligjin Nr. 137/2020 “Për buxhetin e vitit 2021, i ndryshuar” dhe Aktit Normativ nr. 34 date 03.12.2021 “Për disa ndryshime në Ligjin nr. 137/2020 “Për buxhetin e vitit 2021, i ndryshuar” janë reflektuar pikësime në buxhetin e miratuar për programin 03390 “Veprimtaria e SPAK” duke arritur vlerën e 279 milion lekë.

Nga ana tjetër në raport me planin buxhetor shpenzimet për paga dhe sigurime janë realizuar në vlerën e rreth 237 milion lekë ose rreth 84.7% e planit të rishikuar të miratuara për këtë natyrë të shpenzimeve. Gjatë vitit buxhetor, përmes akteve normative ka patur ndryshime në buxhetin e SPAK, duke rishikuar me zbritje të shpenzimeve të porealizuara dhe të vlerësuara si të panevojshme për vitin 2021 në funksion të përmbushjes së objektivave vjetore të plotësimit si të stafit administrativ ashtu edhe të personelit hetimor të Byrosë Kombëtare të Hetimit.

Fonde për shpenzimet e personelit në zërin “Paga dhe Sigurime” të Strukturës së Posaçme Kundër Korrupsionit dhe Krimit të Organizuar përfshin pagat e punonjësve të Prokurorisë së Posaçme, Byrosë Kombëtare të Hetimit dhe punonjësve me kontratë të përkohëshme të marrë në funksion të ngritjes së infrastrukturës së nevojshme për realizimin e aktiviteteve të insitucionit. Në kushtet kur SPAK është një institucion i krijuar rishtazi në fund të vitit 2019, procesi i formimit si në kuadrin e aktiviteteve dhe gjithashtu të punonjësve është shtrirë në kohë përgjatë gjithë vitit 2020-2021.

Në zbatim të përcaktimeve ligjore të ligjit nr. 95/2016 “Për organizimin dhe funksionimin e institucioneve për të luftuar korrupsionin dhe krimin e orgenizuar”, procesi i rekrutimit të punonjesve hetimorë dhe administrativë pranë SPAK ka një procedure specifike dhe mjaft të detajuar ligjore që synon përzgjedhjen e personave nën një set kriteresh për respektimin e integritetit të institucionit. Si pasojë e këtyre procesve që kanë zgjatur në kohë për plotësimin e kërkesave ligjore gjatë vitit 2021 kanë mbetur pa plotësuar pozicioni për 3 prokurorë, 32 Hetuesit e Byrosë Kombëtare të Hetimit por gjithashtu edhe të personelit administrativ, shpenzimet e kësaj natyre ekonomike kanë rezultuar me këtë nivel mosrealizimi.

Ky proces është planifikuar të përmbushet gjatë vitit 2022, duke u kompletuar me të gjitha kapacitetet e nevojshme njerëzore e teknike në funksion të objektivave në luftën kundër korrupsionit dhe krimit të organizuar.

3.2 Shpenzime për mallra dhe shërbime të tjera

Aktiviteti operacional dhe hetimor i SPAK gjatë vitit buxhetor 2021 është mbështetur nga buxheti i shtetit në llogarinë e mallarve dhe shërbimeve (Llogaria ekonomike 602) në vlerën e buxhetit të rishikuar prej rreth 61,689 mijë lekë. Gjatë vitit 2021, institucioni nga kjo llogari ka realizuar rreth 40,056 mijë lekë ose ndryshe 65% të planit të parashikuar vjetor. Gjatë vitit buxhetor nuk ka patur ndryshime në planin e kësaj natyre të shpenzimeve duke ruajtur qëndrueshmërinë dhe objektivat fillestarë të institucionit.

Ashtu siç mund të konstatohet në tabelën dhe përcaktimin e mësipërm, ky nivel i mosrealizimi gjatë vitit 2021 ka ardhur për shkak se institucioni ka operuar në kushtet e

mungesës së stafit administrative dhe Byrosë Kombëtare të Hetimit. Mungesa e personelit hetimor dhe administrativ ka sjellë mosrealizimin gjithashtu edhe të shpenzimeve operative në shërbim të funksionimit të Strukturës së Posaçme Kundër Korrupsionit dhe Krimin të Organizuar. Përmes përdorimit me eficiencë dhe efektivitet të fondeve publikë SPAK ka përmblusur plotësisht të gjitha nevojat në shpenzime operationale për të mbuluar aktivitetin. Një pjesë e konsiderueshme e kësaj diference në shpenzimet operative vjen për shkak gjithashtu edhe të realizimit efikas të prokurimeve për mallra dhe shërbimet të SPAK.

3.3 Transferta për buxhete familjare

Gjatë vitit buxhetor 2021, për Strukturën e Posaçme Kundër Korrupsionit dhe Krimin të Organizuar është planifikuar si Fond i Veçantë (Llogaria 606) për mbulimin e rasteve të fatkeqësive në përputhje me përcaktimet e vendimit të Këshillit të Ministrave vlera prej 329,880 lekë. Ky fond gjatë vitit 2021 është përdorur në vlerën e 219 mijë lekë, duke mbuluar rastet e sëmundjeve të rënda të punonjësve, fatkeqësive në familje dhe daljes në pension.

3.4 Shpenzime për Investime Kapitale

Në mbështetje të përcaktimeve të ligjit nr. 137/2020 “Për buxhetin e vitit 2021”, është planifikuar për të realizuar në formën e investimeve pranë SPAK vlera prej 30 milion lekë me qëllim mbulimin e shpenzimeve të nevojshme në formën e investimeve. Gjithashtu, evidentohet që nga ky fond është realizuar gjatë vitit 2021 në vlerën e rreth 26,230 mijë lekë ose ndryshe rreth 87.4% e totalit të fondit të planifikuar. Gjatë vitit 2021, përmes rishikimeve buxhetore në Akte Normative, Struktura e Posaçme kundër korrupsionit dhe Krimin të Organizuar në këtë llogari nuk ka patur ndryshime. Gjithashtu, në formën e garantit në kapitull 06 Struktura e Posaçme Kundër Korrupsionit dhe Krimin të organizuar ka përfituar projektin nga Agjencia e Administrimit të Pasurive të Sekuestruara dhe të Konfiskuara për pajisjen e laboratorit të ekspertizës teknologjike në shumën e rreth 30.2 milion lekë. Nga ky fond është mundësuar paisje me teknologjinë e fjalës së fundit të laboratorit, duke e shndërruar atë në një laborator ndër më modernin në Ballkan të ekspertizës teknologjike. Për plotësimin e laboratorit gjatë vitit 2021 nga ky projekt është realizuar shuma prej rreth 23 milion lekë ose 76.1% të fondit të planifikuar.

Realizimi i Investimeve me Financim të Brendshëm sipas zërave është realizuar si më poshtë;

- | | |
|--------------------------------|------------------|
| • Blerje Automjete | 19,386 mijë leke |
| • Blerje paisje zyre | 5,530 mijë leke |
| • Shpenzime paisje elektronike | 1,314 mijë leke |

TOTALI

26,230 mijë lekë

Struktura e Posaçme Kundër Korrupsionit dhe Krimin të Organizuar ka përdorur planin e shpenzimeve kapitale në funksion të përmbushjes së nevojave në zgjerim për automjete, paisje zyre për punonjësit hetimorë dhe administrative dhe pajisje elektronike. Këto nevoja janë plotësuar gjatë vitit 2021 duke i vendosur në funksion të plotë të objektivave procedurale të institucionit në hetimin aktiv të veprave penale të korrupsionit dhe krimin të organizuar.

3.5 Shpenzime nga të ardhurat jashtë limitit

Struktura e Posaçme Kundër Korrupsionit dhe Krimin të Organizuar, gjatë vitit buxhetor 2021 nuk ka krijuar të ardhura jashtë limiti dhe si rrjedhim të gjitha efektet financiare janë mbuluar brenda buxhetit vjetor të miratuar me ligjin vjetor të buxhetit.

3.6 Detyrimet e prapambetura

Gjatë vitit buxhetor 2021, Struktura e Posaçme Kundër Korrupsionit dhe Krimin të Organizuar, ka likuiduar me korrektesë të gjitha detyrimet të krijuara nga aktiviteti ndaj palëve të treta. Si rrjedhojë janë marrë masat që të gjitha marrëveshjet kontraktuale për investime, mallra dhe shërbime të përmbushen në përputhje me afatet kohore dhe të likuidohen në përputhje me rregullat e menaxhimit financiar publik të përcaktuara në ligjin nr. 9936, datë 26.06.2008 “Për menaxhimin e sistemit buxhetor në Republikën e Shqipërisë” dhe akteve nënligjore në zbatim të tij.

Realizimi i produkteve buxhetore në nivel performance për Strukturën e Posaçme kundër Korrupsionit dhe Krimin të organizuar për vitin 2021 paraqiten si më poshtë:

Tabela 3: Raporti I realizimit të objektivave të plotikës së programit

Treguesit e performances / Produktet:					
Emertimi i Treguesit te Performances***/Produktit	Niveli faktik i vitit 2020	Niveli i planifikuar ne vitin 2021	Niveli i rishikuar ne vitin 2021	Niveli faktik ne fund te vitit 2021	% e Realizimit te Treguesit te Performances/Produktit
Raporti midis numrit të çështjeve të përfunduara kundrejt atyre të regjistruara.	30%	41%	41%	35%	85%
Raporti midis numrit të çështjeve të dërguara për gjykim kundrejt atyre të përfunduara.	40%	66%	66%	50%	76%
Raporti midis numrit të personave të gjykuar kundrejt atyre të regjistruar.	60%	96%	96%	80%	83%

Burimi: *Drejtoria e Buxhetit dhe Menaxhimit Financiar, SPAK (2021);*

Për sa konstatohet më lart në tabelën e paraqitur produktet buxhetore të planifikuara në programin “Veprimtaria e SPAK” kanë një nivel realizimi mbi mesataren e planifikuar në fillim të vitit. Gjithashtu, është rritur në mënyrë progresive numri i dosjeve të cilat jo vetëm regjistrohen për tu hetuar por dhe përfundojnë me sukses në gjykimin për veprat penale të cilat hetohen nga Struktura e Posaçme Kundër Korrupsionit dhe Krimin të Organizuar.

Strukturës së Posaçme Kundër Korrupsionit dhe Krimin të Organizuar në vazhdim të treguesve të realizuar gjatë vitit buxhetor 2021, do të marrë angazhimin që gjatë vitit 2022 e në vazhdim të realizojë plotësisht të gjithë treguesit e performancës së përcaktuar. Ky rezultat do të arrihet përmes zbatimit të plotë të metodologjive që rregullojnë Menaxhimin Financiar Publik mbi bazë performance të miratuar nga Ministria e Financave dhe Ekonomisë.

DREJTUES I PROKURORISË

ARBEN KRAJA